

Item quod altariſtae — et eorum quilibet dum per praelatum loci inſtituitur eidem praelato de omnibus et ſingulis praemiſſis obſervandis corporale deberet praestare iuramentum. — Datum Merseburgk — die Lunae menſis Decembris quartadecima.

Abschrift in Barthel's Diplom. Lips. II. fol. 268^b im Rathſarchiv zu Leipzig.

No. 284. 1473. 17. Apr.

Johannes Falkenhain Probst und das Capitel beſtätigen die Vereinbarungen des M. Johann Euderitzsch (eines mitbrueders in vnſers cloſters bruderschaft) mit dem Handwerke der Gerber wegen Beſtellung ſeines Seelgeräthes. Vgl. No. 285. Gegeben — am ſonnabend nach Tiburtii et Valeriani der h. merterer.

Beglaubte Abſchrift des Notars Lorenz Reybhandt vom J. 1534 im Rathſarchiv zu Leipzig.

No. 285. 1473. 2. Mai.

Meiſter Johann Euderitzsch beſtellt mit dem Handwerk der Gerber ſein Seelgeräthe in der Nicolaikirche.

In dem namen gots amen. Noch Criſti vnſers hern gebortt vierzehnhundert darnach in dem drie vnnnd ſibentzigſtein iare — am ſontage des andern tagis des monden Maii — in der ſtat Liptzk — in dem groſſen collegio der wirdigen vniuerſiteten do ſelbiſt in dem ſteinhuse vnde wonunge des wirdigen ern Johannes Euderitzsch collegiaten doſelbiſt, meiſter in den frien kunſten vnde lerer der heiligen ſchrift in meyner hirnachgeſchriebenen offinbar ſchriebers vnnnde der getzugen kegenwertigkeit darczu geheiſſchen vnd gebeten iſt perſonlich gewest der obgnante doctor Johannes Euderitzsch von geſundem leibe guter vornunfft vß wol bedachten muthe vnde willen vnde hat in der beſten wieße forme vnde ordenunge — irtzalt vnnnde vßgeſaget, wie her bie ſich beraten were, eyn teil ſeines zelgeretes zcu beſtellen durch die erßamen meiſter vnde gewercken des hantwerckes der gerwer vor Liptzk vff der Helliſchen brucken geſeſſen vnde wonhaftig, vnnnd bsundern in dryen ſtucken, alz danne eyn verſigelter briff mit dem ſigel des gnanten hantwerckes darober von on gegeben vormeldet vnnnde auch hirnach geſchrieben ſtehit: Czum erſten zcu beſtellen ierlichen im iare eyns mit dem pfarrer zcu ſente Niclawß eyn iargedechniſſe in der kirchen ſent Niclawß in der ſtadt Liptzk am nehiten ſontage vnd montage ſchirſt folgende noch ſent Johannis tage des towffers Criſti mit gelewte vigilien vnde drien zelemessen, eynere ſingenden vnde czweier leßinden, vndir der ſingenden meßen vor alle glowbigen zelen vß dem heiligen criſtlichen glowben vorscheyden vnd bßundern alle der, die do vorſtorben ſein vß dem egedachten hantwercke der gerwere, vnde zcu vordan ſeiner zelen noch ſeinem tode vnd Nickel Euderitzschs vnde Gerdruden ſeiner beyden eldern vnuorgessen. Czum andern mall zcu beſtellen mit dem gnanten pfarrer erlichen vnd lobelich zcu ſingen vnde zcu begehen das feſt vnde tag des hochglobten vnnnde heiligen merterers ſente Gangolffs